

Na osnovu člana 70. Zakona o javnim nabavkama Bosne i Hercegovine ("Službeni glasnik BiH", br.39/14), a u skladu sa članovima 88 i 64. stav 1.b) Zakona o javnim nabavkama Bosne i Hercegovine te na osnovu preporuke Komisije za javne nabavke, a po provedenom postupku za nabavku roba putem konkuretskog zahtjeva za dostavu ponuda, Rukovodilac Službe Pomoćnik gradonačelnika za Službu za komunalne poslove, izgradnju i poslove mjesnih zajednica donosi:

ODLUKU o izboru najpovoljnijeg ponuđača

Član 1.

Nabavka i ugradnja peći na pelet za mjesne zajednice Pasci Gornji i Gornja Lipnica u gradu Tuzla, dodjeljuje se GRUPI PONUĐAČA: **GRUPA PONUĐAČA: „KOVAN-MI” doo Gračanica i „KOVAN” zanatska radnja vl. Karalić Said, Gračanica** koji su dostavili ponudu br.225-2015 od 24.11.2015 godine u kojoj je ponuđena ukupna cijena od 23.317,47 KM bez PDV-a odnosno 27.281,43 KM sa PDV-om.

Član 2.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 3.

Ova odluka objavit će se na web stranici ugovornog organa istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

Član 5.

Stupanjem na snagu ove Odluke poništava se Odluka o izboru najpovoljnijeg ponuđača, broj 05-01-23-255-3/15 od 27.11.2015 godine.

Obrazloženje

Postupak javne nabavke pokrenut je Odlukom o pokretanja postupka javne nabavke br. 05-01-23-225/15 od 13.11.2015 godine. Postupak nabavke je proveden konkurentskim zahtjevom za dostavu ponuda za koji je objavljeno obavještenje o nabavci broj: 1004-7-1-108-3-99/15 na Portalu javnih nabavki dana 13.11.2015 godine.

Postupak nabavke provela je Komisija za javne nabavke imenovana Rješenjem br. 05-01-23-225-1/15 od 13.11.2015 godine.

U toku postupka javne nabavke Komisija je zaprimila pristigle ponude, izvršila njihovo otvaranje, te pregled i ocjenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće:

- da je ukupan broj pristiglih ponuda: 4 (četiri);
- da je blagovremeno zaprimljeno: 4 (četiri) ponude;
- da nije bilo neblagovremenih ponuda;
- da je broj prihvatljivih ponuda 3 (tri);
- da je broj neprihvatljivih ponuda 1 (jedna).

Po provođenju postupka, na preporuku Komisije za nabavke, odnosno na osnovu i u skladu sa Zapisnikom o pregledu i ocjeni ponuda Komisije za nabavke, od 27.11.2015. godine, Služba za komunalne poslove, izgradnju i poslove mjesnih zajednica, kao ugovorni organ u predmetnom postupku javne nabavke, donijela je Odluku o izboru najpovoljnijeg ponuđača, broj 05-01-23-225-3/15, od 27.11.2015. godine, kojom se nabavka i ugradnja peći na pelet za mjesne zajednice Pasci Gornji i Gornja Lipnica, kao najpovoljnijem dodjeljuje ponuđaču TERMOTEHNIKA DD Tuzla, te je svim ponuđačima dostavljena Obavijest o rezultatima

postupka javne nabavke, broj 05-01-23-225-4/15, od 27.11.2015. godine, koja je od strane ponuđača „KOVAN M.I.“ d.o.o. Gračanica zaprimljena dana 30.11.2015. godine.

Po prijemu pomenute obavijesti, ponuđač „KOVAN M.I.“ d.o.o. Gračanica, kao glavni ponuđač u pomenutoj grupi ponuđača, dostavio je Službi za komunalne poslove, izgradnju i poslove mjesnih zajednica zahtjev, broj 228-2015, od 07.12.2015. godine, u kojem se od ugovornog organa traži uvid u ponude svih ponuđača, dostavljene ugovornom organu u predmetnom postupku javne nabavke. Postupajući po zahtjevu žalitelja, na osnovu odredbi člana 11., stav 5. Zakona o javnim nabavkama i člana 200. Zakona o upravnom postupku („Službene novine Federacije Bosne i Hercegovine“, broj 2/98 i 48/99), ugovorni organ je omogućio žalitelju traženi uvid, koji je izvršen u prostorijama ugovornog organa.

Nakon izvršenog uvida, žalitelj je ugovornom organu dostavio žalbu, od 08.12.2015. godine, a koja je dostavljena i protokolirana putem pisarnice ugovornog organa dana 10.12.2015. godine.

Postupajući po pomenutoj žalbi, ugovorni organ je na osnovu i u skladu sa odredbama člana 100., stav 1. Zakona o javnim nabavkama pristupio provjeri blagovremenosti i dopuštenosti žalbe, kao i činjenice da li je ista izjavljena od strane ovlaštenog lica.

Uzimajući u obzir činjenicu da u skladu sa odredbama člana 101. Zakona o javnim nabavkama, i u skladu sa poukom o pravnom lijeku ugovornog organa, rok za izjavljivanje žalbe iznosi 5 (pet) dana od dana prijema prethodno pomenute obavijesti o rezultatima postupka javne nabavke, a posebno uzimajući u obzir činjenicu da je predmetna obavijest zaprimljena od strane žalitelja dana 30.11.2015. godine, te da je žalba ugovornom organu dostavljena dana 10.12.2015. godine, odnosno dana 08.12.2015. godine putem preporučene pošiljke, predmetna žalba je neblagovremena, iz kojeg razloga je na osnovu i u skladu sa odredbama člana 100., stav 2. Zakona o javnim nabavkama, a u vezi sa odredbama člana 231. Zakona o upravnom postupku, ista odbačena Zaključkom ugovornog organa, broj 05-01-23-261/15, od 14.12.2015. godine.

Komisija za javne nabavke je u skladu sa tačkom II dispozitiva pomenutog zaključka izvršila uvid i analizu predmetne žalbe, utvrdila osnovanost žalbenih navoda u dijelu koji se odnosi na nepotpunost ponude, odnosno na činjenicu da za pojedine stavke u obrascu cijene ponude nisu upisane jednične cijene, iz kojeg razloga je ponudu ponuđača „TERMOTEHNIKA“ d.d. Tuzla potrebno odbaciti, te izvršila adekvatne izmjene i dopune odluka i drugih akata donesenih u predmetnom postupku javne nabavke, u svrhu usklađivanja istih sa odredbama Zakona o javnim nabavkama („Službeni glasnik Bosne i Hercegovine“, broj 39/14), iz kojeg razloga je odlučeno kao u dispozitivu ove odluke.

Pouka o pravnom lijeku

Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD TUZLA
Služba za komunalne poslove, izgradnju
i poslove mjesnih zajednica

RUKOVODILAC SLUŽBE
POMOĆNIK GRADONAČELNIKA

Kurević Kemal, dipl.ing.maš.

Broj:05-01-23-261-1/15
Tuzla, 15.12.2015. god